



**1. Տրանսպորտային միջոցների տեխնիկական զննության գործունեության իրականացման լիցենզիա և ներդիր տրամադրելու համար ներկայացված հայտի քննարկում**

Քննարկվեց՝

«ԱՆՓՈՐՉԱՆՔ» սահմանափակ պատասխանատվությամբ ընկերության /այսուհետ՝ Կազմակերպություն/ 2023 թվականի սեպտեմբերի 18-ի հայտը և հայտին կից ներկայացված փաստաթղթերը և սեպտեմբերի 28-ին ի լրումն ներկայացված նյութերը՝ տրանսպորտային միջոցների տեխնիկական զննության գործունեության լիցենզիա և ունիվերսալ հոսքագծի ներդիր տրամադրելու մասին:

Ա. Ստեփանյանը ներկայացրեց, որ Կազմակերպությունը 2023 թվականի սեպտեմբերի 18-ին ներկայացրել է հայտ և հայտին կից փաստաթղթեր՝ տրանսպորտային միջոցների տեխնիկական զննության գործունեության լիցենզիա և ունիվերսալ հոսքագծի ներդիր տրամադրելու մասին՝ ՀՀ, Տավուշի մարզ, համայնք Նոյեմբերյան, գ. Հաղթանակ, 1-ին փողոց 80 գործունեության վայրում: 2023 թվականի սեպտեմբերի 28-ին Կազմակերպությունը ներկայացրել է լրացուցիչ նյութեր՝ վերացնելով հայտում և հայտին կից փաստաթղթերում առկա թերությունները:

Կազմակերպության արտադրական բազայի ուսումնասիրությունն իրականացվել է Տավուշի մարզպետի աշխատակազմի աշխատակիցների կողմից, որի վերաբերյալ տեղեկատվությունը ներկայացվել է Տավուշի մարզպետի 2023 թ. հոկտեմբերի 6-ի մտից՝ Ս/60604 գրությամբ:

Լիցենզավորման հանձնաժողովի անդամները ուսումնասիրեցին ներկայացված փաստաթղթերը:

Հարցի քննարկմանը մասնակցեցին լիցենզավորման հանձնաժողովի՝ նիստին մասնակցող բոլոր անդամները. տեղի ունեցավ փակ գաղտնի քվեարկություն, քվեարկության թերթիկները փոխանցվեց լիցենզավորման հանձնաժողովի անդամ՝ պատասխանատու քարտուղար՝ Ա. Ստեփանյանին:

Ա. Ստեփանյանը

Հայտարարեց քվեարկության արդյունքները և արձանագրվեց՝

«ԱՆՓՈՐՉԱՆՔ» ՍՊԸ	5 կողմ, 0 դեմ
-----------------	---------------

Որոշեցին՝

Ներկայացված հայտը և հայտին կից ներկայացված փաստաթղթերը համապատասխանում են ՀՀ կառավարության 2007 թվականի փետրվարի 15-ի N 690-Ն որոշման 1-ին կետով հաստատված կարգի և ՀՀ կառավարության 2021 թվականի սեպտեմբերի 24-ի N 1565-Ն որոշման 1-ին կետով հաստատված կարգի պահանջներին՝ ենթակա է լիցենզավորման:

Համաձայն <<Լիցենզավորման մասին>> օրենքի 40-րդ հոդվածի 9-րդ մասի՝ եզրակացությունը ներկայացնել Տարածքային կառավարման և ենթակառուցվածքների նախարարին:

ՀՀ տարածքային կառավարման և  
ենթակառուցվածքների նախարարության  
լիցենզավորման հանձնաժողովի  
նախագահի տեղակալ

Ա. Խաչատրյան

ՀՀ տարածքային կառավարման և  
ենթակառուցվածքների նախարարության  
լիցենզավորման հանձնաժողովի քարտուղար

Ա. Ստեփանյան